



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
5-300

**Xuv Tsib – Tsab Cai Hais Txog Kev Coj thiab Kev Siv Dag Zog**

**Kev Siv Dag Zog**

**5-307 Txoj Hauv Kev Xaiv Tswj- Npes 40mm Uas Muaj Kev Phom Sij Txog  
Txoj Sia Tsawg thiab Cov Mos Txwv Uas Muaj Feem Cuam Tshuam  
Tsis Zoo**

(xx/xx/23)

Kev hloov kho cov cai ua ntej: (07/16/19) (08/21/20) (09/08/20) (04/04/21) (01/01/23)

**I. Lub Hom Phiaj**

Lub hom phiaj ntawm txoj cai no yog los nthuav dav cov cai teeb tseg ntawm lwm cov cai kev siv dag zog, tshwj xeeb tshaj yog tau cuam tshuam rau npes 40mm uas muaj kev phom sij txog txoj sia tsawg thiab cov mos txwv uas muaj feem cuam tshuam tsis zoo.

**II. Cov Ntsiab Lus Txhais**

**Lub mos txwv 40mm:** Lub mos txwv uas muaj kev phom sij txog txoj sia tsawg 40mm yog lub mos txwv uas tua ncaj nraim uas raug siv nyob rau hauv cov xwm txheej uas xav tau lub zog ntsawj kom muaj zog txhawm rau ua kom tus neeg phem uas npau taws heev, tsis ua raws cai nti tsis taus.

**Cov lus uas muaj ntsiab lus nyob rau hauv P&P 5-301:**

- Muaj kev phom sij rau lub cev loj

**Cov lus uas muaj ntsiab lus nyob rau hauv P&P 5-304:**

- Nqa
- Xa
- Tso Tawm
- Qhia Tawm
- Muaj Kev Koom Rog Tus Neeg Phem
- Taw Tes
- Siv

### III. Txoj Cai

#### A. Txoj Cai thiab Cov Kev Cai Kev Taw Qhia

Dhau ntawm cov yam tshwj xeeb nyob rau hauv txoj cai no, cov neeg ua hauj lwm yuav ua raws li cov cai teeb tseg ntawm txhua lwm txoj cai uas siv tau, uas suav nrog tab sis tsis tag rau, Cov Kev Cai Kev Taw Qhia thiab lwm cov qauv cai nyob rau hauv P&P 5-301.

#### B. Cov Npes 40mm thiab Cov Mos Txwv Uas Muaj Feem Cuam Tshuam Tsis Zoo Ua Kev Siv Dag Zog Uas Muaj Kev Phom Sij Txog Txoj Sia Tsawg

Raws li ncuav dav lawm kev tua lub mos txwv uas muaj kev phom sij txog txoj sia tsawg 40mm yog raug xam tias yog ib qhov kev siv dag zog uas muaj kev phom sij tsawg thaum tau siv rau cov cheeb tsam ntawm tus neeg phem lub cev uas xam tias yuav tsis tsim ua rau tuag los sis raug mob loj rau lub cev, tab sis nyob rau qee xwm txheej tuaj yeem tuag taus.

#### C. Cov Npes 40mm thiab Cov Mos Txwv Uas Muaj Feem Cuam Tshuam Tsis Zoo Uas Lub Tuam Tsev Hauj Lwm Tau Tawm

1. Tsuas yog MPD cov tub ceev xwm xwb thiaj li tau txais kev tso cai nqa cov npes 40mm uas lub tuam tsev hauj lwm tau tawm. Cov npes 40mm uas yog khoom ntiag tug, los sis cov uas tau tawm los ntawm lwm lub chaw sawv cev, yog yuav tsis tau txais kev tso cai nqa los sis siv thaum uas MPD tus tub ceev xwm tab tom ua kev nqis tes raws li lawv lub luag hauj lwm MPD uas raug raws cai.
2. Cov tub ceev xwm tsuas nqa cov mos txwv 40mm uas tau txais kev pom zoo los ntawm MPD xwb. Cov ntaub ntawv tshwj xeeb txog lub mos txwv yog muaj los ntawm Range Master.
3. MPD Range yuav tawm cov mos txwv 40mm nrog rau txhua tej rab npes nce raws li cov kev xav tau ntawm lub Khoos Kas Neeg Ua Hauj Lwm Nrog Rau 40mm. The MPD Range yuav hloov pauv tej lub mos txwv uas tau tua los sis raug kev puas tsuaj raws li tsim nyog.

#### D. Kev Ua Raug Raws Li Txoj Cai thiab Kev Cob Qhia

1. Cov tub ceev xwm tsuas siv cov npes 40mm uas muaj kev phom sij txog txoj sia tsawg thiab cov mos tswv uas muaj feem cuam tshuam tsis zoo nyob rau tus yam ntxwv uas tsis muaj kev ntxub ntxaug, thiab tsuas siv thaum qhov kev siv dag zog uas hais los ntawd muaj zoo laj thawj uas muaj kev ncaj ncees thiab raug raws li MPD li kev cob qhia tam sim no thiab MPD cov cai uas kav tswj kev siv dag zog (suav nrog txhua tshooj nyob rau hauv P&P 5-300) uas suav nrog thaum tau siv rau kev cais los sis pov thaiv cov neeg nyob ua npoj coob.
2. Tsuas yog cov tub ceev xwm uas tau txais kev cob qhia txog qhov kev siv rab npes 40mm thiab lub mos txwv 40mm uas muaj kev phom tsij txog txoj sia tsawg xwb thiaj li tau txais kev tso cai nqa thiab siv.

**E. Cov Kev Cuam Tshuam thiab Kev Sib Sau Ua Ke Ntawm Pej Xeem**

Txhua cov kev nqa thiab siv cov npes 40mm rau cov hom phiaj kev tswj tib neeg nyob ua npoj coob los sis ncuaj sij hawm cov kev cuam tshuam thiab kev sau ua ke ntawm pej xeem tsuas yuav tshwm sim raws li P&P 7-805 xwb.

**F. Cov Yam Ntxwv Rau Kev Siv**

## 1. Kev phom sij loj uas tab tom yuav tshwm sim

Cov tub ceev xwm tsuas siv cov npes 40mm los sis cov mos txwv uas muaj feem cuam tshuam tsis zoo rau tus neeg phem thaum:

- a. Muaj lub laj thawj uas muaj feem mus tau rau kev ntes los sis muaj kev ua xyem xyav yam uas muaj zoo laj thawj rau kev muab ceev cia.

thiab

- b. Qhov kev siv dag zog uas hais los ntawd muaj kev tsim nyog los pov thaiv tus tub ceev xwm, tus neeg phem, los sis lwm cov neeg kom txhob raug qhov kev phom sij **loj** rau cev ntaj ntsug uas yuav tshwm sim.

## 2. Cheeb tsam lub hom phiaj

- a. Cov cheeb tsam lub hom phiaj xub thawj rau kev siv lub mos txwv uas muaj kev phom sij txog txoj sia tsawg 40mm tsim nyog yog cov thooj leeg nqaij loj nyob rau ntawm lub cev yav hauv uas suav nrog pob tw, ncej puab, hauv caug. Lwm cov cheeb tsam lub hom phiaj suav nrog cheeb tsam tav mus txog rau ntawm lub duav, thiab cov cheeb tsam leeg nqaij uas loj zog ntawm xub pwg.
- b. Cov tub ceev xwm yuav tau paub tias kev tua cov mos txwv uas muaj feem cuam tshuam tsis zoo 40mm mus rau qee cheeb tsam ntawm tib neeg lub cev tuaj yeem tsim ua muaj kev raug mob loj uas tuaj yeem tsim ua rau muaj kev xiam oob qhab fab lub cev ntaj ntsug los sis fab siab ntsws mus tag ib txhis los sis muaj feem tuag taus.
- c. Cov tub ceev xwm yuav tsis txhob txwm tua cov mos txwv uas muaj feem cuam tshuam tsis zoo uas muaj kev phom sij txog txoj sia tsawg rau tus neeg lub tob hau, caj dab, pob qa, ntsej muag, qhov tsos, txha caj qaum, ob lub raum, los sis pob tais tshwj tsis yog yuav muaj kev siv dag zog uas muaj kev phom sij txog txoj sia.

## 3. Ua zoo saib rau cov kev pheej hmoo

Ua ntej siv rab npes 40mm los sis cov mos txwv uas muaj feem cuam tshuam tsis zoo, cov tub ceev xwm yuav tsum tau ua zoo saib rau tej cov kev pheej hmoo rau zej tsoom los sis lawv tus kheej.

#### 4. Ua zoo saib rau lwm txoj hauv kev

Ua ntej kev tua lub mos txwv uas muaj kev phom sij txog txoj sia tsawg 40mm, yuav tau ua zoo saib seb puas muaj lwm txoj hauv kev uas muaj zoo laj thawj uas tuaj yeem tswj tau tus neeg phem yam uas tsis muaj kev pheej hmoo rau tus neeg phem, cov tub ceev xwm, los sis rau zej tsoom, raws li kev paub thiab kev xyaum hais txog kev siv dag zog thiab MPD cov cai uas kav tswj qhov kev siv dag zog uas muaj kev phom sij txog txoj sia thiab tsis muaj kev phom sij txog txoj sia.

#### 5. Phom faj seeb nyob rau hauv cov xwm txheej kev siv dag zog uas muaj kev phom sij txog txoj sia

Rab npes 40mm nrog rau lub mos txwv 40mm uas muaj kev phom sij rau txoj sia tsawg tsis tsim nyog raug siv nyob rau hauv cov xwm txheej kev siv dag zog uas muaj kev phom sij txog txoj sia yam uas tsis muaj phom faj seeb.

### G. Cov Kev Ceeb Toom thiab Cov Kev Tshaj Tawm

Nws yog qhov tseem ceeb thaum twg los xij uas ua tau, txhua tus tub ceev xwm uas tau cuam tshuam thiab cov tub ceev xwm uas teb rov qab uas tej zaum muaj yuav tau paub tias muaj kev tua lub mos txwv uas muaj kev phom sij txog txoj sia tsawg 40mm txhawm rau kom txhob muaj kev nkag siab yuam kev tias qhov uas saib pom thiab lub suab uas hnov nrov los ntawm kev tua lub mos txwv 40mm yog kev tua lub mos txwv tiag - tiag.

1. Cov tub ceev xwm yuav tau tshaj tawm los ntawm xov tooj cua tias yuav muaj kev tua rab npes 40mm, thaum txog lub sij hawm thiab cov tswv yim.
2. Nyob rau qhov xwm txheej uas phim, cov tub ceev xwm uas tua lub mos txwv uas muaj kev phom sij rau txoj sia tsawg 40mm tsim nyog qw tias "Khauj Xim Txiv Kab Ntxwv (Code Orange!)" ua ntej thiab ncuaj sij hawm tua.

Nco tseg: Cov npes 40mm muaj lub txhab khaum xim txiv kab ntxwv uas qhia tias lawv yog cov phom uas muaj kev phom sij txog txoj sia tsawg.

### H. Kev Thov Tus Neeg Ua Hauj Lwm Nrog Rau 40mm

Yog tias tus neeg saib xyuas hauj lwm los sis cov tub ceev xwm uas teb rov qab ntseeg tias muaj tsab xov tooj hu los sis qhov xwm txheej uas tej zaum yuav tsum tau siv dag zog uas muaj kev phom sij txog txoj sia tsawg, ces tej zaum lawv yuav thov los ntawm xov tooj cua los sis nyob rau lwm txoj hauv kev tias kom tus neeg ua hauj lwm nrog rau rab npes 40mm uas tau txais kev cob qhia los ntawm MPD uas nyob rau lub luag hauj lwm tiv thaiv qhov xwm txheej.

### I. Kev Nqa thiab Kev Khaws Cia

1. Cov npes 40mm yuav raug muab cob rau txhua tej cheeb tsam, Nroog Lub Chaw Ua Hauj Lwm Kav Tswj thiab cov chaw tshwj xeeb raws li yuav tsum tau ua.

2. Txhua tej rab npes 40mm yuav raug muab khaws ntim cia rau hauv nws lub hnab ntim thiab nyob rau hauv lub tub rau phom uas muaj kev ruaj ntseg.
3. Tsuas yog cov thawj coj saib xyuas los sis lawv cov neeg uas tau xaiv thiab cov neeg ua hauj lwm uas tau txais kev cob qhia los ntawm MPD xwb thiaj li yuav muaj yuam sij los mus qhib tau cov tub phom 40mm.
4. Cov neeg ua hauj lwm uas tau txais kev cob qhia los ntawm MPD yuav muaj cov npes 40mm ncuu sij hawm lawv kab hauj lwm uas tau txais kev muab cob, thaum mus tau.

**J. Kev tu xyuas cov npes 40mm**

Tsuas yog tus neeg ua hauj lwm Range uas muaj ntawv pov thawj los ntawm MPD xwb thiaj li yuav tu xyuas thiab kho tau rab npes 40mm.

**K. Kev Kho Mob thiab Kev Pab Fab Kev Kho Mob**

1. Yuav muaj kev muab kev pab fab kev kho mob raws li muaj kev tsim nyog uas saib raws li P&P 5-301 thiab txoj cai Kev Pab Thaum Muaj Xwm Txheej Ceev Fab Kev Kho Mob (P&P 7-350).
2. Yog tias ua tau, tsim nyog thiaj cov duab tej cov kev raug mob ntawm tus neeg phem.

**L. Kev Ua Ntaub Ntawv**

Cov tub ceev xwm uas tua lub mos txwv uas muaj kev phom sij txog txoj sia tsawg 40mm yuav tau tshaj tawm qhov kev siv dag zog raws li P&P 5-302.

**M. Cov Kev Ceeb Toom thiab Kev Saib Xyuas**

1. Cov tub ceev xwm uas tua lub mos txwv uas muaj kev phom sij txog txoj sia tsawg yuav tsum ceeb toom tam sim ntawd rau tus neeg xa xov xwm, uas yuav ceeb toom mus rau tus thawj coj saib xyuas hauj lwm.
2. Tus thawj coj saib xyuas hauj lwm yuav tau teb rov qab rau qhov xwm txheej txhua zaum uas tau tua lub mos txwv uas muaj kev phom sij txog txoj sia tsawg 40mm. Tus thawj coj saib xyuas hauj lwm uas teb rov qab yuav tshab xyuas qhov xwm txheej thiab ua kom tiav qhov kev tshab xyuas kev siv dag zog uas saib raws li P&P 5-303.
3. Cov thawj coj saib xyuas hauj lwm yuav ua kom ntseeg siab tias tau txheeb sau txhua cov mos txwv uas muaj kev phom sij txog txoj sia tsawg 40mm uas tau siv thiab tau txheeb xyuas cov khoom lawm yog tias ua tau.